

nen/wz die Natur erfordert. Lieber sag mir eins/wer muß in den
 Minern der Erden Aqua forte breñen? Oder hat es auch Leuth
 darinñ/die den Wein distillieren / oder können Harn brunckē/
 damit man Metallen macht? Oder meinstu es seyen Apotecer
 darinnen/die alle ding also feil haben/ damit du kanst Metallen
 machē/als 12. ♃. ♀. ☉. ♁. 4. oder ♂. Du Narr/ kanstu das nit
 verstehn/ dz du jrrest: daß deren ding keins zu d' Natur gehört?
 Oder wiltu ober Gott seyn / dz du auß Blut wilt Metalln mas
 chen? So mach auß einē Pferd einen Menschen / od auß einer
 Maus ein Rüh/die gibt dir demnach gute Milch darzu: dz we
 re auch ein Multiplication: es geschicht aber nit. Vñ als wenig
 diß kan geschehē/also wenig kanstu auß obgemeltē Receptē Me
 tallen machē. So merck e nuhn fleissig auff die Philosophē/wie
 sie dich lehren die Natur verstehē. Dañ die Kunst ist nicht mehr
 dan die Natur. Was die Natur nicht hat erschaffen/ da kan die
 Kunst kein Wirckung habē. Wan ein Fraw ein Knäblin gebie
 ret / du wirst mit deiner Kunst kein Mägdlein darauß machen
 wz ding du auch darzu thust/wirt dich nit helffen. So kan auch
 ein Laxatif in einem todte Menschen nit laxierē: Aber weil noch
 ein Natur im Menschen ist / da hilfft die Kunst der Natur: als/
 sich warm haltē/ gut ding essen/ &c. Darinñ so bitt ich dich/ so du
 wilt ein Philosophus seyn/so schicke dich darzu/vñ folge meiner
 gutwilligē Lehr/die ich dir in ganzē Treuwē meine: Wie du her
 nach wirst hören in meinē Buch/ nach laut aller Philosophen/
 so dise Kunst gewist haben / vnd ich solliches selber gesehen vnd
 gemacht habe: Vnd wöllest deinen verstand auffthun vñ stu
 dieren / auch oft oberlesen. Dañ warlich die Kunst nit kan ge
 lehrt vñ verstanden werden/dañ durch Gott/oder einen gelehr
 ten Meister vnd Philosophum: Dieweil die ganze heilige Ges
 chrifft darzu ermahnet vnd erklärt / wie du es wirst sehen / mit
 Geschrifften vnd Figuren/ vnd ich dir es werde probieren / mit
 redlichen vnd bekandtlichen Besachen auß der Geschrifft / vñ
 von meinen Meistern der Philosophen: Nit dz du hernach mö
 gest sprechen oder sagen/sie haben es dir nicht recht geschrieben.